

FELICIS OSII  
MEDIOLANENSIS  
QVERELA  
IN OBITVM  
PATRIS CÆSARIS ISNARDI  
E SOCIETATE IESV.

A D

PERILLVSTREM  
IACOBVM PHILIPPVM  
LANDRIANVM  
IVRISCONSULTVM.



MEDIOLANI,  
Apud Jacobum Mariam Medam, 1605.  
*Cum licentia Superiorum.*

PELICIS OSII

MEDIOIANENSIS

# QVERE LA

IN QVIATUM

PATRIS CESARIS IN NARDI

E SOCIETATE TERRA

CA

PERITI ET VASTRAM

JACOBAM PHILIPPM

LANUVIUM

IMAGINATIVAM.



MEDIOIANI

Ab Iacopum Malitium Medioian, 1602

Cura Petri Subtiliorum.

PERILLVSTRI  
IACOBO PHILIPPO  
LANDRIANO  
IVRISCONS.  
FELIX OSIVS.

**I**ANDEM aliquando ea se se mihi ob-  
tulit occasio , qua & erga Cæsarem .  
Isnardum præceptorem meum , virum  
citrà omnem controuersiam eruditissi-  
mum , benevolentiam meam posteris  
patefacerem , eademq; via , ut aiunt , obseruantiam  
quoq; in te meam probarem . Benevolentiam qui-  
dem Musis illum cōmendans meis ; obseruantiam  
verò in te meam Musas ipsas , hoc est ipfa carmina  
nominis tuo consacrans , sub cuius immortalitate  
prodire possent tuta , nec inuidorum sibilum per-  
horrescere . Quorum iustum illud quidem est , hoc  
verò debitū . Illud p̄ceptori ; hoc verò Humanitati  
tuæ . Repetere enim à me propè suo iure hunc fru-  
ctū debebat is , cuius aliquandiu hortatu , p̄ceptisq;  
conformatus , liceat mihi hoc loco Simonis illud  
Terentiani usurpare , è seruo libertus factus sum , vt  
cius beneficij memoriā nequaquā paterer apud me  
frigescere , agnoscerem potius , ut possem , gratiam  
carminibus illi meis aliquā referens ; cū tamē mihi  
met ipsi cōscius imbecillitatis meę , nec illi paré gra-  
tiā agere , nec habere me posse , vnquā animaduer-  
teré , dubitaremq; sūmoperè ne meis ineptijs plus  
multo fuliginis , ac tenebrarū , quā lucis inducerem

A | 3      eius

ei⁹ nomin⁹, Chærilo similis, cui⁹ scripta plus mul-  
tò probri, quā laudis pepererunt Alexandro; mihi  
verò plus multo dedecoris, quā famæ, si fortè mea-  
rum me Musarum pœnitens, sumpto de ijs suppli-  
cio, abortiuas hasce adolescentiæ meæ nugas Ve-  
neris marito cū Politiano deuouerem; videremq;  
præterea diuersis me omniuo stimulis ad hoc inci-  
tari, Amoris scilicet, & Doloris, quotū alter, ut est  
in prouerbio, me musicam docebat, lamentationem  
alter; attamen hos ita inter se cōciliaui, ut musicā  
cum lamentatione coniungens flebile carmen scri-  
pserim, & elegiacū. At hoc Humanitas in me tua,  
à qua cū me multis officijs cumulatum, beneficijs  
etiā quā plurimis animaduerterem, atlanteo onere  
quid grauius humeris meis impositū esse sensi per  
id omne tempus, quo meam in te obseruantia ostē-  
dere non potui. At inquires quid ita? quid ad ob-  
seruantiam in me tuam ostendendam ignoti mihi  
laudes cōsecrare? Ignotus ille tibi quidem de facie  
fuit, virtute verò debuit esse notissimus. At rursus  
nonne eruditiores alij, & eruditorum hominum  
amantiores degunt? At ego te eruditissimum,  
& eruditorum hominum amantissimum duco, Mu-  
sarumq; mearum Mœcenatem non sine aliqua vo-  
luptate prædico. Munusculū hoc igitur qualecūq;  
est, quod tamen hisce de causis nulli nisi tibi dicam-  
dū esse cēsui, ea, qua soles animi, ac vultus hilarita-  
te accipias, non: inisq; tui splendore latus illustres.

*Exiguum renuens munus si magna requiris,  
Grandem cum tenui carmine sume animum.  
Vale, meq; tuam secutus humanitatem iuua.*

FELICIS OSII

MEDIOLANENSIS

Q V E R E L A

I N O B I T V M

PATRIS CÆSARIS ISNARDI

SOCIETATIS IESV.



Lebilis incomptos mecum laniata capillos,  
Vngibus humentes dilacerata genas,  
Tempora ferali tristis ridimita cupresso,  
Eliciens oculis flumina larga pijs,  
Vesteq; mutata, pullo circundata limbo  
Fletibus, & tristi cuncta replens gemitu;  
Nec solitis Elegia modis corde excute luctus,  
Et nostram fletus per freta pelle ratem.  
Da mihi te tristem, dum tristia carmina fundo,  
Et tristes lachrimas tristior ipsa cie;  
Vos quoq; Pierides querulo suspiria corde  
Ducite, nam vester Delius heu perij:  
Castalio pro fonte fluat fons luctus in aquor  
Ille suis posthac auctus eat lachrimis.  
Omnia sint lachrimæ, rigeat sine frondibus arbos,  
Terra neget flores, Hybla, & Hymettus apes,  
Arboreos sine more gemens nunc Populus artus  
Humebit, guttis commaculetq; suis.  
Nestoream Cæsar dignus superare senetam,  
Ante diem raptus, contumulatur humo.

Cæſareum Cæſar meritus cum laude triumphum ,  
Contempius vili nunc iacet in tumulo ,  
Rhetorice Cæſar Doctor, sermone disertus ,  
Flumina qui poterat ſiſtere , & ore feras ,  
Tinxerat Aonidum Cœtus cui nectare lingua ,  
At què Aganippæus ſparſerat ora liquor ,  
Argolica , & latia agnorat quem lingua parentem  
Graiugenū ſpernens , Romulidumq; decus ,  
Nunc iacet exanimis , demptum ſibi deflet Apollo ,  
Flent Muſæ , Argolica , & Lingua Latina gemunt :  
Efferā Mors illum noſtris ſurrepſit ocellis ,  
Hæc potuit tantum ſurripuiſſe Virum ;  
Efferā Mors tanti nobis fuit una doloris  
Cauſa , hæc ex oculis elicuit lachrimas ;  
Mors fera , qui Rhodopes dixit te è cautibus ortam ,  
Aut ubi quid dura durius eſt ſilice ,  
Qui ſine luminib; finxit , Regumq; coronas  
Calcantem pedibus , purpureasq; togas ,  
Na mihi veridicos versus cecimiffe videtur ?  
Vera quidem ; veri quin mage vera fide .  
Es ſine luminib; , quod nulli parcis . & aqua  
Falce metis magno quicquid in Orbe viget ;  
Stemmata conculcas pedibus , quod falce recidis  
Reges , nec Regum fleſteris imperio ,  
Torua togas ſperniſis , quod te nequè fleſtere Virtus ,  
Nec poſſunt Muſæ , ſed ſera cuncta domas ;  
Nam capiti Isnardi reuifti pareere , & illum  
Funere mertiſti funeris impatiens ;  
Ipsa licet Virtus germinans ſpiritia corde  
Dilaniata comam , dilacerata genas ,  
Pieridumq;

Pieridumq; chorus lachrimarum gurgite deflens  
Hec cuperent secum funere posse mori ;  
Efferat Mors, fera tela nimis , fera lumina, falcam  
Orbi credulem , quæ bona tantarapis ;  
Namq; haud Issiardum Mors Orbi surripis vnum ,  
Isnardiq; decus ; sed magè flenda rapis ,  
Dum rapis Isnardum, rapiuntur funere in uno  
Thæbus, Honor, Virtus, Musa, Minerua, Lepos ,  
Ah dolor? ah luctus? crudelia, & impia fata ?  
Ah semper votis fata inimica meis ?  
Ah scelus ? ah facinus ? magna virtute decorus  
Dum nobis Doctor traditur Eloquij ,  
(Nil etenim obscurum fuerat , nil vindice dignum ,  
Quod non ingenio vinceret ille suo )  
Cæperat Eloquij dotes vix pandere, & omnes  
Quas bene Musarum nouerat ille vias ;  
Hunc Inuenes adeunt cupidi mira arte docentem  
Noscere, & Isnardi pellere fontesitum ,  
Tam bene , tam belle cunctos , placideq; docebat ,  
Vincire officijs doctus ubiq; Viros ,  
Ut sua per cunctas irent præccnia gentes ,  
Illum diligenter , suspicerentq; Patres ;  
Ipse ego sum testis solitus tanta arte docentis  
Dulcius eloquium mente liquare fauis :  
Mors illum subito cum funere mersit acerbo ,  
Passa , nec est meritos saua videre dies .  
Scilicet hoc nostris deerat mi Isnarde ruinis ,  
Ante tuum ut nobis subtrahereret dicim ?  
Siccine te primo fugiens in limine ludi ,  
Spes tua frustrata est , meq; Patres q; tuos ?  
Siccine

Siccine tu patriæ tam longè a finibus ore ?  
Mortem obiens , linquis , meq; Domumq; tuam ?  
Heu miseræ Matri , misero si Fama Parenti ,  
Extremum refert te perisse diem ?  
Omnia confuncio lachrimis sine fine profusis ,  
Cunctaq; præ nimio mæsta dolore queri ;  
Et miseram Matrem pugnis , heu , pectus honestum  
Lædere , & implicitas dilaniare comas ,  
Tristibus & lachrimis Patrem sibi fata precari  
Ultima , & hæc querulo subdere paucasono ,  
Tune Isnarde jaces nostræ spes maxima vita ,  
Maxima cura animæ , dimidiumq; meæ ?  
Nec prius ipse tibi potui , vel tangere dextram ,  
Vel solito aspectu , colloquioq; frui ;  
Nec pater exanimi nato libare suprema  
Oscula , nascenti , quæ tibi prima dedi ;  
Quam tua in æternam premerentur lumina noctem ,  
Et parius tegeret membra sepulta lapis ?  
Has lachrimas certè nostri pro pignore amoris ,  
Nateq; pro nostris omnibus officijs ;  
Imperiosa vetant quando tibi tradere fata  
Patrem posse aliud suscipe fronte hilari .  
His certè genitor complebit cuncta querelis ,  
Funus ob exanimi Cæsar is exanimis ;  
At quibus ipse Polum complebo vocibus ægri  
Pectoris indicibus ? quos dabo ab ore sonos ?  
Ipse etenim ut lethi illius mihi venit ad aures  
Non expectato nuntia Fama pede ;  
Non minus ingenui , quam sit doliturus vterq;  
Et Pater , & Genitrix Cæsar is interitum ,

anibus

At

At licet impediār lachrimis, nec verba referre  
Vlla queam, tamen hæc paucā referre libet.  
Tune, ego post variōs casus, variōsq; labores,  
Quem rebar studij spemq;, decusq; mei,  
Quem mihi latabar Musarum posse recessus  
Pandere, iocundos Pieridumq;, iocos.  
Nunc cadis extinētus crudeli funere? nunc me  
Flebilibus miserum linquis in exequijs?  
Ut mihi non aliud post hæc mea gaudia linquas,  
Quam tumulum lachrimis posse rigare tuum;  
Quam satius fuerat, nunquam ut mihi cognitus esses,  
Liquisses patriæ nec vaga regna tue,  
Quam satius fuerat tantos renuisse labores,  
Nec caput eloquiū supposuisse iugo;  
Non etenim tanto flerem tua funera fletu,  
Non irem in liquidas fluminis instar aquas,  
Non ego conspicerem quot soles fulgere, tristes  
Heu misero quereret tot mihi adesse dies;  
Non me suspirans macerarem tristis, in Axe  
Quando nitet fuscis Cynthia vecta rotis,  
Nec quum cuncta silent Terris, decessaq; somnus  
Membra leuat, curas lenit, & alta quies,  
Tristibus urgerem lachrimis in somnis Olympum,  
Nec tua circa oculos iret imago meos,  
Non mihi Neptuni cuperem cum fontibus undas  
Posse dari, ut dignis te gemerem lachrimis.  
Ast quoniam hæc summi vis est superna Tonantis,  
Qui vitam arbitrio datq;, adimitq; suo,  
Incassumq; miser lugubria verba profundo,  
Verba aures Cæsar non aditura tuas,

Tristibus

Tristibus impono lachrimis finemq; modumq;, 111.  
Te tamen hæc rursus Mors' inimica volo ;  
Isnardum cur nam læthali falce necasti ?  
Nec passa es tempus viuere ad vsq; suum ,  
Illum surripiens , nunquid tibi sceptra parare  
Credideras , Terris perpetuumq; decus :  
Falleris ? en viuit , quem te feriisse putabas ,  
Cæsar perq; virum clarior ora volat .  
Non sinit hunc virtus periisse , nec almus Apollo ,  
Non sinit Aonidum , Pieridumq; chorus .  
Non Pietas , non cana Fides , non Fama , Leposue ,  
Relligio , aut verus simplicitatis amor ,  
Non qui carminibus Vates præconia tollunt  
Cæsaris , altisona concelebrantq; chely ,  
Illum surripiens nunquid summergere in vudis  
Elisijs , nigro crediderasue Erebo ?  
Ealleris ? en cælo ludit , ducitq; choreas ,  
Dum lætus Iesu conspicit ora sui .  
Te falce , ut cuperes propria feriisse , nec illa  
Isnardum nostro nunc rapuisse choro ;  
Hanc culpam in Parcam , ut cuperes cōferre , nec illum  
Culpa heu te nobis surripuisse tua ,  
Insidijsq; tuis vita cæssisse , nec illum  
Hac abiisse tuo , non obiisse , dolo ;  
Ex indignato vt tales gemebunda querelas  
Ore dares , ni ægro victa pudore fores ,  
Cum tua tela tibi aspiceres , tua spicula falcem ,  
Et nocuisse pedes , & nocuisse manus ,  
Quem feri telis demens , quem stu ta sagittis  
Confodi , qualem surripuiq; virum ;

Hunc

Hunc ferij, qui me ferijt, proprijsq; sagittis  
Confudit, rapui, qui mihi me rapuit;  
Istiardum ab nunquam ferissim, vel rapuissim,  
Fodissent talem spicula nulla virum,  
Ista dares, fateor, tristi mors improba ab ore,  
Incusans falcem, tela inimica, tuam.  
Nunc sua quandoquidem Virtus fulgentior auro,  
Insonti fregit tela inimica manu,  
Sublimemq; tulit deuicta ex morte triumphum,  
Et celso viuit, viuet & vsq; Polo,  
Surripuit Terræ, quem Mors benè cauta periclis,  
Surripuit vestro quem male cauta a choro,  
Pergite carminibus vates celebrare, vicissim  
Aonides querulis concelebrate modis,  
Ut quas non potuit, celebratus carmine, in Axe  
Innumeratasq; solo viuat olympiadas,  
Carmina namq; homines magè post sua fata vigere,  
Oraq; doctorum peruolitare iubent.  
O mihi si dabitur Permessi scandere collem,  
Posseq; Castalio labra rigare lacu,  
Versibus haud Cæsar nostris inditus abibis,  
Carminibus nec me vincet Apollo suis,  
Nec mihi si cedet luclus, concedet Arion,  
Nec qui tartareas carmine mulcit aquas,  
Attamen interea nostri monumenta doloris  
Hæc cape, & eximij pignus amoris habe,  
Victuris mando quæ tot post secula chartis,  
Quot fertur placidos Nestor obisse dies.  
Quæ ne situs putris premat, aut longena vetustas,  
Figere marmoreis est mihi cura notis,

Qui

Qui nullis nocuit, qui multis profuit, tlii up. Hinc  
Mors nocuit, nimis ab Mors inimica bonis,  
Nunc iacet hoc tumulo ; at fallor, nec spicula Mortis VI  
Huic nocuere, iacet nec minus hoc tumulo,  
Sed quæ Mors nocuit multis, huic profuit uni,  
Quod cœlo æternos viuit, agitq; dies ;  
At si FELICIS rupissent stamina Parcæ,  
Tempore, quo Isnardum surripiuere sibi,  
His quoq; cæsa notis eadem foret vrnula. FELIX S  
HIC IACET ISNARDI KAPTUS AMORE SVI.

